

黃疸門

或問疸乃微疾。犯者頗多。竟有服草藥而愈者。甚有用藥日久。反成中滿而死者。何也。

答曰。因其病淺。

忽而不治。或治之不善。遂成中滿。故得病之因。表裏

虛實。不可不知也。若病由飲食不調。腸胃濕熱。不清

者。爲輕寒濕之邪。客于肌表。不得疎洩者。亦輕。倘因

內傷元氣。勞煩不足。房勞酒積。憂思失血而得者。其

病屬臟。而不止于腑。苟一誤治。無不速死。若治得其

法。草藥可以活人。不得其詳。古方亦能爲害。好生者

可不慎哉。或問疸症。固有輕重表裏之分。然而致

黃之故可得聞乎。

答曰。黃乃土色。係脾土濕熱之

氣鬱蒸而成。法如膏醬變爲黃色。其病在腑。其黃肌

表。可以分利小水。透發汗液。使內外濕熱之氣表裏

疎通。卽草藥亦能獲效。苟不識此。誤用寒涼。內傷正

氣。致臟腑之精津血液無不膏而爲黃。則營衛血氣

無一不病。斯時也。表裏不及分清補瀉先後罔措。遂

至脾元大壞。氣血兩虧。未有不戢中滿而死者。及中

滿將成。復從臟治。速死之冤。莫甚乎此。大可嘆也。

或問治疸之法。亦有別乎。

答曰。濕熱爲標。內傷爲

本。標重則專治其標。而不失其本。本虛則固其本。而

兼治其標。病日久而本更虛者。惟本是賴矣。凡症如此。不獨疸也。外感表邪。黃疸脉症。寒濕之邪客于肌表。抑遏衛家生陽之氣。使不得透達。鬱蒸而成黃者。其黃從外。始因內熱未甚。故小便猶白。止于頭重體痠。往來寒熱。為病正淺。急用後方。疎解使汗液透徹。則濕熱之氣外洩。而血脉自和。不致內滲。其脉微浮而數。禁用諸葷海味。糟麵酸甜生冷等物。

黃疸疎表主方

茵陳

三錢

乾葛

二錢

荊芥

五分

淡豆豉

一錢五分

防風

一錢

羌活

一錢

秦艽

一錢

生薑

三片

葱頭一個 水煎不拘時熱服

濕熱閉遏於皮毛腠理之間。謂之金鬱。金鬱則泄之。故用荊防羌葛。味辛氣薄之劑。以疎泄之。薑蒸爲黃。邪在肌表。故用茵陳鼓葛。氣平味苦之藥。以分清之。諸藥復兼辛散。亦具風能燥濕之義。胸中否滿。加枳殼一錢。有痰惡心。加半夏一錢五分。頭重鼻塞。大小便不通。用澄清散分利之。澄清散。外感內傷。有餘之濕熱爲病。上則頭重鼻塞。時流濁涕。下則二便短澁。黃赤不利。以此分清上下前後。初起有餘之症。

瓜蒂 二錢 毋丁香 二錢 黍米 三錢 赤小荳 三錢

醋炒大黃 一兩

爲極細末。每夜以一分吹兩鼻孔內。後睡當時以涕淚橫洒。次日以二便順利則濕熱自消。不效再吹。

飲食內傷。黃疸脉証。多飲茶酒。則傷濕。好食糟麪。則氣滯。有形之物。蘊積腸胃。不能分消。濕熱之氣。滲人肌表。不能疏洩。會而爲黃。黃從內發。故小便先赤。由內達外。則兩目通身無不黃矣。甚至胸膈脹滿。惡心煩渴。二便短澀。黃赤不利。此爲實症。脉當沉滑。或

弦滑有力。三日前先用前方散表。俟汗液通透之後。以後方蕩滌有形之積滯。以清其裏。

黃疸清裏三方

茵陳

五錢

山查

三錢

神耑

一錢五分

陳皮

一錢五分

紅耑

一錢

枳實

一錢

木通

五分

水煎十分

生大黃三錢

另用熱酒浸透。

盍緊。俟煎藥將好。先絞去大黃取濃汁。冲

入熱藥儘服。以利爲度。不利如前再服。

經云。邪在下者。引而竭之。此方使濕熱之氣。由蕩滌而清也。茵陳具陳腐之性。用從治去濕熱之氣爲君。



二曲消化內蒸濕熱之積爲佐。大黃氣味苦寒。洩腸胃之濕熱爲臣。山查枳實陳皮木通辛苦之味。利腸胃之積滯爲使。如有瘀血。脉必弦濇。外則寒熱交作。內則小便獨利。而大便秘結者。加桃仁二錢。當歸紅花各一錢。去神糲陳皮抵當丸亦可。抵當丸瘀血積滯日久。心腹脹滿疼痛。小便利而大便不通。或月經阻滯。滲入衝任。積成血臍。以此推蕩。故畜血發黃。亦能廉治。

水蛭

炙 蠶 蟲 八

乾 個

桃仁

七 錢

大黃

一 兩

爲末微醋麵糊爲丸。每服一二錢。空心百

沸湯吞服

黃疸表裏和解三方

茵陳

五錢

澤瀉

二錢

乾薑

五錢

神耑

五錢

陳皮

二分

猪苓

二分

黃連

二分

紅耑

二分

生薑

二片

水煎午前後服

茵陳乾葛清其表使餘邪由汗而出猪苓澤瀉清其裏使餘邪由溺而下黃連紅耑清濕熱之氣神耑陳皮去濕熱之積生姜和中暖胃此方乃七日後表裏雖清黃色未盡胸膈不快二便不利脉滑而虛數不



清餘邪爲病和解之良劑也。胸膈作脹加陳皮五

分。枳壳一錢。大便秘結加山查二錢。枳壳一錢。薤金

啟脾丸可以常服。

薤金啟脾丸

見濕門裏濕條

內傷脾

胃元氣虛寒黃疸脉証。大凡黃疸不論外感內傷

有餘者多。裏虛者少。倘使纏綿日久元氣不虛而虛

脾胃失於營運。症必飲食減少。體瘦肢弱。懶行嗜卧

肌黃色闇。寒熱交作。上則脹滿。下則泄瀉。六脉沉微

濡弱。或濡數不清。於法調補無疑。前者煎丸槩行禁

用。如肚腹膨脹氣逆喘急。脉來空強搏指。係五臟之

真氣已絕者不治。

茵陳

五錢

茯苓

三錢

陳皮

五錢

澤瀉

五錢

姜皮

一錢

炮薑

一錢

防風

一錢

肉桂

五分

姜皮

一錢

水煎空心午後服

防風茵陳升陽燥濕茯苓澤瀉淡以滲濕陳皮姜皮
辛以散之炮薑肉桂溫以行之使寒凝濕滯之氣有
所分消而不至以脹滿也如脾虛作瀉飲食漸減
雖食而不運者加白朮一錢漸至三錢茯苓漸至一
錢五分如元氣虛極加人參一錢五分真陽不足
更加附子五分此治內傷裏虛之症所謂陰黃者是
也非參朮桂附溫補之劑難以挽回若疑治黃疸以



致氣喘腹脹脉弦短濇者死理中丸太陽丹可服

參附理中丸

見中寒門寒中太陰條

太陽丹

見中寒門寒中太陰條

通治陽虛之人爲無形之陰寒濕氣所遏爲黃謂之

陰黃俱以茵陳煎湯吞服

婦女虛癆黃疸脉証

肝脾腎之元氣先虧致衝任之血脉不調月事愆期

淋帶不淨復犯房勞酒食瘀濁濕熱之積並發爲疸

此爲不足中有餘之症也其色黃黑其顏枯萎甚至

晡時寒熱不常膀胱急而小便自利六脉虛數或微

弦而濇乃陰虛火盛氣鬱之候宜用清補之劑主治

婦女虛癆黃疸主方

茵陳三錢 知母一錢五分 茯苓一錢五分 車前子一錢

乾葛一錢 牛膝五分 丹皮五分

濕熱不清以茵陳乾葛散之茯苓車前利之知母牛

膝滋陰而不滯丹皮清火而不寒允為清補之平劑

七日後元氣虛者加人參一錢增至一錢五分腹痛

胃疼大便不快小便短濁砂淋帶下者服勝金餘糧

丸上則喘逆下則浮腫脾腎虛寒泄瀉小便不利

者服金匱腎氣丸勝金餘糧丸男婦心胃疼面

黃肌瘦白淫淋帶濕汗浮腫二便不調等症

餘糧石煨淨 綠礬煨紅 當歸身酒焙 廣陳皮三兩



浮麥炒

三兩 川椒出汗

六安茶

焙

二兩

砂仁

炒

二兩

黑棗肉

去皮

三兩

為細末即用棗肉搗爛加熟蜜和丸如桐

子大每早空心陳米湯或百沸湯吞服一

錢

金匱腎氣方

見氣門腎與膀胱氣虛條

女癆疸症額黑身黃少

腹滿急腿脚浮腫大便溏瀉小便短濁以山茵陳煎

湯吞服

黃疸之為病不出脾肺兩經肺主皮毛脾主腸胃皮

毛之邪當汗解腸胃之積宜下引故分內外傷兩症



若曰表裏則無病。不兼自在。醫者別其輕重而已。至于內傷元氣。及女癆黃疸。俱由裏虛發爲外症。不可與前一症同日而語。苟不急于調補。而謬以有餘治之。則未有不立斃者也。

水腫門

或問水乃有形之物。不居腸胃。不由便溺。而反見于皮膚腠理。爲腫爲脹者何也。答曰。此氣也。非水也。經云。膀胱州都之官。津液藏焉。三焦者。決瀆之官。水道出焉。總由氣化。乃能出也。又云。飲食入于胃。遊溢精氣。上輸于脾。脾氣散精。上歸于肺。肺氣通調水道。下輸膀胱。水精四布。五經並行。以經義揆之。則知水道之畜洩。皆由元氣以施化。若三焦元氣虛微。必至凝塞不行。而成水腫也。

或問既云氣不施化。則水畜于胸腹腸胃。何由達于

皮膚分肉之外。而況皮膚分肉間。又焉有容水之地。且水不能自行。必藉元氣以行。則既能率水入于皮。膚遍于四體。又何言氣不施化。而不能通調水道。下輸膀胱也。答曰。此言水者。實非水也。此水不獨氣之所使。亦卽氣之所化也。若真水自能下滲。小腸不致外溢爲腫。只因脾肺腎三經元氣虛。而成此症。蓋脾虛不能營運于中。肺虛不能施化于上。腎虛不能通調于下。不運不化不通。三焦之氣閉塞決瀆之官自危。則上下出入之機關不利。不利則不止。六腑之水道不通。卽經絡墜道中之精津血液。莫不因氣之

不能流行。亦隨地凝塞而成水。水由氣閉。氣因水壅。卽氣卽水。豈真有形之水滲入肌表而後爲腫脹也哉。或問腫與脹有所分別否。答曰無形之氣。既有形之水。則水有流走滲溢之能。所以頭目四肢無處不腫。腫久則脹。勢所必然。若只言脹者。乃脾肺無形之元氣。因虛失於統運。但脹于胸腹之間。而四肢則不脹也。卽有脹者。亦因脾屬四肢。或左右手。足相代。而兼腫脹者也。故另立一門以詳之。或問腫屬水脹。屬氣。孰吉。孰凶。醫治相符否。答曰氣本無形。脹則反致有形。凶則難治。若水腫者。始因氣閉而